



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 214. Se ipsum non potest salvum facere. v. 42.

urn:nbn:de:hbz:466:1-45515

nitatem hic tuam & patientiam absque lachrimis commemorare queat, beneficium praestitum vertitur in maleficium, bonum in malum; quique tecum amore, & gratitudine excipere debuissent, ut Salvatorem suum, a te aversi sunt tanquam a seductore & impostore malevolo, tua miracula despexerunt, & non modo ingrati fuere, cum etis hisce beneficiis tuis, sed etiam unde te amare & venerari debuerant, inde te iniquissime accusarunt, odio habuere, persecuti sunt & blasphemaverentur.

O Jesu misericordissime per hanc tuam iniuriam, vilipendium, contemnendum & ignominiam oblecto, salvum me fac, cæcum in lumine tuo, mutum in laude & prædicatione tua, claudum in vijs mandatorum tuorum, mortuum in peccatis, ut ex hoc videam & intelligam, & currām viam mandatorum tuorum in omni prosperitate & sanctitate, & sic enarrans universa mirabilia tua sim unus testis miraculorum tuorum, contra eos qui te blasphemant tota die.

§. 214. Seipsum non potest salvum facere. v. 42.

Mentiris popule stulte & insipientes, & vos, ô Principes Concilii, quid enim est salvum facere? an clavis manibus infixos & pedibus eximere? ac maiora horum iam ostendit vobis, quando cæcum natum illuminavit, & Lazarum quadriduanum è monumento evocavit? & ecce post paucas horas è clauso sepulchro victor prodibit. Dicite ergo potius, seipsum modo non salvata cruce, & nolite dicere non potest se salvum facere, quid possit, satis ostendit alias, modo alios vult salvos facere, ipse salvatione non eget. ipse salus est, habens omnem potestatem in cælo & in terra? scrutamini Moysem & Prophetas invenietis luce clarissima eius virtutem & potentiam, nonne ipsi vidistis, tot signa supra humanum captum per ipsum in aqua, in ventis, in piscibus, in panibus quoties voluit eum comprehendere & non potuistis? quis te deiecit ó miles in horto hesterna die, ut terror sum caderes? noxae vox unica illius: *Ego sum*, quis filium viduus in Civitate Nain è loculo, quis Lazarum civem vestrum, & Principem, quadriduanum & iam fœrentem è sepulchro iussit exsurgere? Cur igitur ipsum blasphematispendentem sponte pro salute vestra in cruce: quasi impotentem qui non possit se liberare è manibus vestris & è cruce? Erratis impij? Passus est quia ipse voluit, moritur ut sua morte vitam nobis donaret, ut lueret in se quod nobis debebatur, opprobrium sempiternum, simulque nos moneret quid eventurum sit damnatis pro suis delictis, quando hoc evenit. filio Dei pro peccatis alienis.

T

O In-

Onestabilis perversitas & impietas Iudeorum & Principum, qui in id
totis incumbeant viribus ut quemadmodum corpus Iesu arriver-
ant, peneque in nihilum redegerant, ita & gloriosum eius nomen penitus
obliterarent: sed quanto id fecere studiosius tanto plus Christum exalta-
runt, maioremque eius nomini dedere splendorem & gloriam: putabant
quidem posse se illud per mortem turpissimam delere penitus, sed potius in
sublime tulerunt addentes: si Rex Israel est.

OIesu patientissime, potentissime, clementissime, qui non vis te salvum
facere, ut me salvifices; vis illudi, ut ego lauder; vis pati, ut mihi bene-
sit, vis mori, ut ego vivam, quid retribuam tibi Domino meo, pro his quae
retribuisti mihi? laudent te cœlum, terra mare & omnis creatura eius in sa-
la sæculorum, Amen.

§. 215. Si Rex Israel est, descendit nunc de cruce. v. 42.

Mira res! mira sua! si tibi ô Sacerdos diceret inimicustuus, si Sacre-
dos es descendit de altari, exi de templo, quid responderes ei? Hoc ipsum
tibi Respondet crucifixus meus Rex. Si tu de templo & ara discedere non
vis, ut te non neges esse Sacerdotem, quid suades Iesu Nazareno descendere
de cruce? Video, quid velis titulum eius Iesu Naz. Rex Iudeorum, non po-
twisti mutare, cum Pilato, iam vis ut ipse eum sibi incipiat abrogare. Et hoc
fecisset, si ad tuam suasionem de cruce descendisset. O callida verlutia! sed
qua maiore arte delusa est, nempe mansione.

ORex Gloriarum, Rex virtutum, dicebant tibi callidi insidiatores regni
tui, si Rex Israel est, descendat, sua vel suorum satellitum vi. advocet
militiam suam, si habet obedientiam; si non, quomodo assumis tibi hono-
rem & regiam dignitatem. Quae ei non debetur, si subditos non habeat, ne-
que militem, aut si Rex est, cuius regnum non est de hoc mundo, uti dixit,
veniant ministri eius cœlites vel internales ad liberandum eum? monstret
vel ex aliqua parte regni sui potentiam regiam dignitatem vel obedientiam
subditorum.

Ita te Iesu subsannabant isti fatui putantes se esse sapientes. Sed tu
Domine melius habebas consilium, quam illi, & operabaris per ipsos ser-
mones eorum patienter toleratos mirabile opus redemptionis ipsorum, &
omnium, confusionem Diaboli, & mortis. Idcirco ego te Domine sus-
picio ut sapientissimum ut magni consilii Deum adoro; Da mihi gratiam
ut in spirituali sapientia tua proficiam.

§. 216 Et credimus ei. v. 42.

Diu optaram Christo, hic denique audio promissionem. Bene habet,
iam